



Služba za zajedničke poslove

## KONKURSNA DOKUMENTACIJA

### KONKURS ZA IZRADU IDEJNOG RJEŠENJA za izgradnju Parka Nacionalnih manjina

Služba za zajedničke poslove  
Pomoćnik Općinskog načelnika

izradila: Jasna Salihović dipl. iur.

Kontrolisala: Munevera Muminagić dipl. iur.

Sarajevo, oktobar 2019. godine

## 1. OPŠTI USLOVI KONKURSA

### 1.1. Podaci o ugovornom organu

Naziv ugovornog organa: Općina Novo Sarajevo  
Adresa: Zmaja od Bosne br. 55  
Identifikacioni broj (JIB): 4200558710008  
Telefon: +387 33 492 100  
Faks: +387 33 492 381  
E-mail: [novosarajevo@novosarajevo.ba](mailto:novosarajevo@novosarajevo.ba)  
Web stranica: [www.novosarajevo.ba](http://www.novosarajevo.ba)

### 1.2. Lice koje je ovlašteno da vodi komunikaciju u ime ugovornog organa:

Mirjana Lukić, telefon: +387 33 492 332, fax: +387 33 492 288, e-mail: [lukicm@novosarajevo.ba](mailto:lukicm@novosarajevo.ba).

### 1.3. Vrsta i tip konkursa:

Konkurs za izradu idejnog rješenja, na osnovu člana 33. stav (1) tačka b) i člana 35. Zakona o javnim nabavkama (Službeni glasnik BiH broj: 39/14).

Konkurs je javni, anonimni.

### 1.4. Klasifikacija konkursa:

Arhitektonsko-hortikulturno rješenje.

### 1.5. Predmet javnog konkursa:

Izrada idejnog rješenja za izgradnju Parka Nacionalnih manjina na lokaciji postojećeg parka u Ulici Zmaja od Bosne, MZ Željeznička, Općina Novo Sarajevo, koje treba da ispuni urbanističko-arhitektonski, ambijentalni i hortikulturni koncept kako je dato u Projektnom zadatku koji je sastavni dio ove Konkursne dokumentacije.

### 1.6. Svrha i cilj konkursa:

Cilj konkursa je prikupljanje i odabir idejnog rješenja Parka Nacionalnih manjina, koje treba da u ambijentalnom, vizuelnom i funkcionalnom smislu da stvori ugodan prostor za sve buduće korisnike. Konkurs za izradu idejnog rješenja se provodi kako bi Ugovorni organ (raspisivač konkursa) izabrao učesnika ili učesnike koji su ponudili najbolje idejno rješenje, s ciljem da se dodjeli nagrada pobjedniku ili pobjednicima konkursa za izradu idejnog rješenja Parka Nacionalnih manjina.

### 1.7. Pravo učestvovanja na konkursu, uvjeti za kvalifikaciju i dokumentacija koja se dostavlja u ponudi

1.7.1. Na konkurs se mogu prijaviti sva zainteresovana pravna i fizička lica (pojedinci ili sa saradnicima) koja posjeduju stručne kvalifikacije.

Uslov je zadovoljen ako je najmanje jedan od autora konkursnog rada dipl.ing.arh., koji ne mora biti nosilac autorskog tima.

U svrhu dokazivanja ispunjenosti uslova, učesnici na konkursu trebaju dostaviti:

#### a) Fizička lica:

- Ime i prezime autora ili imena članova autorskog tima, adresa, kontakt telefon,
- kopija diplome arhitektonskog fakulteta ili nostrifikacija diplome ako je ista stečena u inostranstvu. (**Dokument 1/1**)

**Napomena:** Kopija diplome o završenom arhitektonskom fakultetu, može se dostaviti za sve članove tima ili samo za jednog člana tima a koji ne mora biti nosioc.

**b)Pravna lica:**

- Izjava pravnog lica da ima u radnom odnosu ili će angažovati dipl.ing.arh, uz prilaganje kopije diplome arhitektonskog fakulteta (**Dokument 1/2**).

Izjava (Dokument 1/2) je prilog konkursnoj dokumentaciji.

**1.7.2. Da bi učestvovali na konkursu ponuđači/kandidati moraju ispunjavati uslove koji se odnose na ličnu sposobnost ponuđača iz člana 45. Stav 1 Zakona o javnim nabavkama.**

U svrhu dokazivanja lične sposobnosti u skladu sa člana 45. Zakona, kandidati moraju dostaviti:

**a)Fizička lica:**

- Izjavu (ovjerenja od nadležnog organa) da kandidat (nosilac autorskog tima ili pojedinačno ukoliko se ne radi o timu) nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u BiH ili u zemlji u kojoj je registrovan (čl.45 stav (1) pod a) Zakona., a kako je dato u obrascu (**Dokument 2/2**)

**Autor/autori nagrađenog rješenja**, dužni su u roku u roku od 5 (pet) dana od dana prijema Odluke o izboru nagrađenih radova dostaviti:

1. Uvjerenje nadležnog suda prema svom sjedištu kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca;
2. Uvjerenje Suda Bosne i Hercegovine kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca;

Navedena Uvjerenja ne smiju biti starija od 3 (tri) mjeseca računajući od trenutka dostavljanja ponude, i dostavljaju se kao originali ili ovjerene kopije.

U slučaju da autor/autori nagrađenog rješenja u propisanom roku ne dostave traženo uvjerenje, smatrati će se da su odustali od nagrade.

Učesnici u konkursu mogu navedena Uvjerenja dostaviti uz konkursnu dokumentaciju, čime se oslobađaju naknadnog dostavljanja.

**đ)Pravna lica:**

- Izjavu (ovjerenja od nadležnog organa) da se na njih ne odnose slučajevi definisani članom 45. stav (1) od a) do d) Zakona a kako je dato u obrascu. (**Dokument 2/2**)

**Autor/autori nagrađenog rješenja**, dužni su u roku u roku od 5 (pet) dana od dana prijema Odluke o izboru nagrađenih radova dostaviti:

1. Uvjerenje nadležnog suda prema svom sjedištu kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca;
2. Uvjerenje Suda Bosne i Hercegovine kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca;
3. Uvjerenje nadležnog suda ili organa uprave kod koje je registrovan autor, kojim se potvrđuje da nije pod stečajem, niti predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti;
4. Uvjerenje izdato od strane nadležnih institucija kojim se potvrđuje da je autor izmirio dospelje obaveze, a koje se odnose na doprinos za penzijsko-invalidsko i zdravstveno osiguranje;
5. Uvjerenje izdato od strane nadležnih institucija kojim se potvrđuje da je autor izmiro dospelje obaveze u vezi plaćanja direktnih i indirektnih poreza.

Navedena Uvjerenja ne smiju biti starija od 3 (tri) mjeseca računajući od trenutka dostavljanja ponude, i dostavljaju se kao originali ili ovjerene kopije.

U slučaju da autor/autori nagrađenog rješenja u propisanom roku ne dostave traženo uvjerenje, smatrati će se da su odustali od nagrade.

Učesnici u konkursu mogu navedena Uvjerenja dostaviti uz konkursnu dokumentaciju, čime se oslobađaju naknadnog dostavljanja.

### **Prijavljivanje na Konkurs podrazumijeva da kandidat prihvata sve uslove Konkursa.**

1.7.3. U skladu sa članom 52. Zakona, kao i sa drugim važećim propisima u BiH, ugovorni organ će odbiti ponudu ukoliko je ponuđač koji je dostavio ponudu, dao ili namjerava dati sadašnjem ili bivšem zaposleniku ugovornog organa poklon u vidu novčanog iznosa ili u nekom drugom obliku, u pokušaju da izvrši uticaj na neki postupak ili na odluku ili na sam tok postupka javne nabavke. Ugovorni organ će u pisanoj formi obavijestiti ponuđača i Agenciju za javne nabavke o odbijanju ponude, te o razlozima za to i o tome će napraviti zabilješku u izvještaju o postupku nabavke.

Kandidat (fizička i pravna lica) je dužan uz ponudu dostaviti i posebnu pismenu izjavu da nije nudio mito niti učestvovao u bilo kakvim radnjama čiji je cilj korupcija u javnoj nabavci. Izjava je prilog konkursnoj dokumentaciji, dato u obrascu – **(Dokument 3/1-za fizička lica i Dokument 3/2-za pravna lica)**.

1.7.4. Fizička i pravna lica uz konkursni rad trebaju dostaviti:

1. Izjava da je priloženi rad izvorno autorsko djelo, **(Dokument 4/1-za fizička lica i Dokument 4/2 za pravna lica)**
2. Izjava autora da autorska prava i prava korištenja i javnog objavljivanja predloženog idejnog rješenja prenosi na Općinu Novo Sarajevo, ukoliko bude među nagrađenima **(Dokument 5/1- za fizička lica i Dokument 5/2 –za pravna lica)**.

Navedene izjave su date kao prilog ovoj konkursnoj dokumentaciji i iste **moraju biti ovjerena od nadležnog organa.**

**Napomena: Kandidati koje predmetne izjave dostave neovjerene od strane nadležnog organa, biti će isključene iz daljeg postupka.**

### **1.8. Izuzeća**

Na konkursu ne mogu učestvovati članovi Konkursne komisije, lica koja su direktno učestvovala na pripremi i organizaciji konkursa i lica koja su u njihovom najužem srodstvu (uključivo do trećeg koljena i bračni drugovi) i koja su sa njima u bilo kakvom poslovnom odnosu u vrijeme trajanja Konkursa.

Svaki od učesnika, pojedinac ili grupa, ima pravo sudjelovati na ovom Konkursu samo sa jednim konkursnim radom.

## **2. INFORMACIJE O KONKURSNOJ DOKUMENTACIJI**

Konkursna dokumentacija je besplatna i može se preuzeti na web strani Općine Novo Sarajevo: [www.novosarajevo.ba](http://www.novosarajevo.ba).

Zainteresirani kandidati mogu tražiti pojašnjenja konkursne dokumentacije od Ugovornog organa u pisanoj formi blagovremeno, na e-mail: [lukicm@novosarajevo.ba](mailto:lukicm@novosarajevo.ba), najkasnije 10 (deset) dana prije isteka roka za predaju konkursnih radova.

Ugovorni organ može u svako doba izmijeniti ili dopuniti konkursnu dokumentaciju, pod uslovom da su sve izmjene dostupne zainteresovanim kandidatima isti dan, a najkasnije 5 (pet) dana prije datuma koji je određen kao rok za podnošenje ponuda.

Izvršena izmjena će biti sastavni dio konkursne dokumentacije i objavit će se na web strani Općine.

## Sadržaj konkursne dokumentacije:

Uz ovu konkursnu dokumentaciju se dostavlja :

1. Obrazac - Prijava na konkurs za Idejno rješenje za Centralno spomen obilježje
2. Obrazac - Izjava po članu 45 ZJN: Dokument 2/1 - za fizička lica i Dokument 2/2 - za pravna lica
3. Obrazac - Izjava po članu 52 ZJN: Dokument 3/1 - za fizička lica i Dokument 3/2 - za pravna lica
4. Izjava o izvornosti autorskog djela: Dokument 4/1 - za fizička lica i Dokument 4/2 - za pravna lica
5. Izjava o prenosu autorskih prava: Dokument 5/1 - za fizička lica i Dokument 5/2 - za pravna lica
6. Projektni zadatak sa grafičkim priložima.

## 3. ROKOVI

- početak konkursnog roka: je dan objave konkursne dokumentacije na web stranici Općine Novo Sarajevo [www.novosarajevo.ba](http://www.novosarajevo.ba), 17.10.2019.godine.
- rok za postavljanje pitanja (najkasnije 10 (deset) dana prije isteka roka za predaju konkursnih radova): 17.11.2019.godine
- rok za predaju konkursnog rada: je 40 dana, tj. 26.11.2019.godine
- javno otvaranje će se obaviti: u velikoj Sali Općine Novo Sarajevo dana 11.12.2019.godine u 12<sup>00</sup> sati.

Javno otvaranje podrazumijeva javno otvaranje koverta sa oznakom „Autor“, te prema šiframa povezivanje autora sa konkursnim radovima, a obavlja se nakon dostavljanja Zapisnika o pregledu i ocjeni konkursnih radova i Preporuke o dodjeli nagrada od strane Konkursne komisije/stručnog žirija

Ponude / Konkursni radovi se predaju do 26.11.2019.godine do 10<sup>00</sup> sati na protokol Općine Novo Sarajevo, Zmaja od Bosne broj 55; 71 000 Sarajevo, sa naznakom: **“Konkurs za izradu idejnog rješenja za izgradnju Parka Nacionalnih manjina”**.

Ponude koje su dostavljene po isteku ovog roka će biti vraćene ponuđaču neotvorene. Ponuda ponuđača mora biti dostavljena do datuma i sata naznačenog u obavještenju o nabavci odnosno konkursnoj/ tenderskoj dokumentaciji i za ugovorni organ nije relevantno kada je ona poslata niti na koji način.

## 4. NAGRADE I OTKUPI

Konkursna komisija će pristupiti ocjenjivanju pristiglih konkursnih radova.

Odlukom Komisije dodijeliće se nagrade i to:

- I nagrada - 4.000, 00 KM
- II nagrada - 2.500, 00 KM
- III nagrada - 1.500, 00 KM

Ukupan fond nagrada iznosi 8.000, 00 KM.

Dodijeljena nagrada podrazumijeva otkup autorskog djela (idejnog rješenja), odnosno nagrađeni radovi nakon sprovedenog konkursa i isplatom nagrada, postaju isključivo vlasništvo Općine Novo Sarajevo, radi korištenja za svrhu sa kojom je konkurs raspisan, za pribavljanje urbanističke saglasnosti, izradu tehničke dokumentacije i pribavljanje građevinske dozvole.

Nagrade se dodjeljuju u bruto iznosu i u njima su sadržani svi porezi i doprinosi na autorsko djelo i ostala zakonom propisana davanja .

Nagrada ujedno predstavlja i naknadu za otkup svih autorskih prava od autora. Ukoliko tijela nadležna za izdavanje urbanističke suglasnosti budu zahtjevala neke ispravke autori su obavezni izvršiti eventualne dorade, a vrijednost te dorade je uključena u nagradu.

Ugovor o autorskom djelu će se naknadno dostaviti nagrađenim učesnicima na potpis.

Otkupljeni radovi postaju vlasništvo Općine Novo Sarajevo, koja zadržava prava eventualne izmjene/dopune u toku izdavanja urbanističke saglasnosti.

Nagrade će biti dodjeljene u roku od 30 (trideset) dana od dana potpisivanja Ugovora sa nagrađenim autorima.

Učesnici konkursa koji ne budu nagrađeni, nakon okončanja postupka provođenja konkursa odnosno od pravosnažnosti rješenja, radove mogu preuzeti lično na adresi naručioca.

Ukoliko nijedno od pristiglih rješenja, prema ocjeni konkursne komisije, ne bude zadovoljavalo zadate kriterije, konkurs će biti poništen.

## 5. KONKURSNA KOMISIJA

Odabir najboljeg idejnog rješenja izvršiti će Konkursna komisija u sastavu:

1. Nefija Vrebac, dipl.ing.šum.- predsjednik komisije
2. Dijana Ćučula, dipl.ing.arh – član komisije
3. Aganović Salković Meliha, dipl.ing.arh – član komisije
4. Alisa Hrvat, dipl.ing.arh – član komisije
5. Omer Ključić, Predsjednik Savjeta MZ Željeznička– član komisije

Sekretar konkursne Komisije je Munevera Muminagić dipl.iur.

Konkursna komisija će završiti sa radom u roku od 15 (petnaest) dana od dana predviđenog za predaju konkursnih radova, nakon čega će se obaviti javno otvaranje koverta "autor".

Komisija će u toku evaluacije predloženih idejnih rješenja poštovati pravila struke iz oblasti arhitekture, urbanizma, hortikulture, dizajna, likovnih umjetnosti i kriterija sadržanih u konkursnoj dokumentaciji.

Konkursna komisija zadržava pravo da ne izabere niti jedno Idejno rješenje ukoliko smatra da nijedno od dostavljenih rješenja nije zadovoljilo sa stanovišta jednog ili više traženih elemenata konkursa, te u tom slučaju raspisivač konkursa nije obavezan dodijeliti nagrade.

Također, ukoliko konkursna komisija smatra da dostavljena rješenja nisu zadovoljila sa stanovišta jednog ili više traženih elemenata konkursa, zadržava pravo da ne dodijeli jednu ili dvije predviđene nagrade, bilo da se radi od prvoj i/ili drugoj i/ili trećoj nagradi.

Rješenje o odabiru i dodjeli nagrada, kandidatima će biti dostavljeno pismenim putem na e-mail adrese navedene u Prijavi na konkurs.

## 6. KRITERIJI ZA OCJENJIVANJE RADOVA

Pored usklađenosti prispjelih ponuda sa opštim uslovima (u pogledu tehničko-oblikovne obrade i sadržaja zahtjevanog u konkursnoj dokumentaciji, obaveznih priloga – tačka 8), Konkursna komisija će pristupiti ocjenjivanju i vrednovanju na osnovu sljedećih kriterija, poredanih prema značaju:

1. Prostorna usklađenost sa postojećim ambijentom - arhitektonsko-pejzažna.....(0-50 bodova)
2. Estetski kriterij: vizuelni elementi rješenja .....(0-30 bodova)
3. Ekonomski kriterij: Racionalnost i ekonomičnost rješenja (usklađenost kreativnih i komercijalnih aspekata ponuđenog rješenja) .....(0-20 bodova)

## 7. DOSTAVA RADOVA/PONUĐA, OČUVANJE ANONIMNOSTI I IDENTIFIKACIJA AUTORA

### 7.1. Dostava radova/ponuda

Autori svoje radove dostavljaju u neprozirnoj, zatvorenoj, bijeloj koverti (omotu) formata A3, sa identifikacionom šifrom u uglu omota, koja se upisuje u desnom gornjem uglu omota (sastoji se od dva velika slova i četiri broja) i naznakom “**Konkurs za izradu idejnog rješenja za izgradnju Parka Nacionalnih manjina**”, na sredini.

Ova koverta (omot) sadrži dvije koverta sa istom identifikacionom šifrom i to:

**KOVERTA** (bijela, neprozirna i zatvorena, formata A4) sa naznakom “**AUTOR**” na sredini, te u gornjem desnom uglu identifikacijska šifra, u kojoj su sadržani slijedeći podaci:

#### Fizička lica:

1. Prijava na konkurs (popunjen obrazac)
2. Diploma arhitektonskog fakulteta ili nostrifikacija diplome ako je ista stečena u inostranstvu (original ili ovjerena kopija) – **Dokument 1/2**,
3. Izjavu (ovjerena od nadležnog organa) o ispunjenosti uslova iz člana 45 (popunjen obrazac), **Dokument 2/1**
4. Izjavu (ovjerena od nadležnog organa) po člana 52 (popunjen obrazac), **Dokument 3/1**
5. Izjava o izvornosti autorskog djela (ovjerena kod nadležnog organa), **Dokument 4/1**
6. Izjava o prenosu autorskih prava, (ovjerena kod nadležnog organa), **Dokument 5/1**

**Napomena: Ukoliko se na konkurs prijavlje autorski tim, Prijavu na konkurs, te izjave: Dokument 2/1, Dokument 3/1, Dokument 4/1 i Dokument 5/1 daje i potpisuje nosilac autorskog tima.**

Autori su obavezni da pripreme dokumentaciju u skladu sa uslovima koji su utvrđeni u ovoj konkursnoj dokumentaciji. Dokumentacija koje nije u skladu sa ovom konkursnom dokumentacijom će biti odbačena kao neprihvatljiva.

Autori snose sve troškove nastale na ime pripreme i dostavljanja njihovih radova.

Dokumentacija u koverti „**AUTOR**“ se čvrsto uvezuje na način da se onemoguću naknadno vađenje ili umetanje listova.

#### Pravna lica:

1. Prijava na konkurs (popunjen obrazac),
2. Izjava ovlaštene osobe da ima u radnom odnosu ili će angažovati dipl.ing.arh, uz prilaganje Diplome (original ili ovjerena kopija) – **Dokument 1/2**,
3. Izjava (ovjerena od nadležnog organa) da ponuđač / kandidat ispunjava uslove iz člana 45. stav 1. a) do d) Zakona (popunjen obrazac) - **Dokument 2/2**
4. Izjavu (ovjerena od nadležnog organa) po članu 52 (popunjen obrazac), **Dokument 3/2**
5. Izjava o izvornosti autorskog djela (ovjerena od nadležnog organa), **Dokument 4/2**
6. Izjava o prenosu autorskih prava, (ovjerena kod nadležnog organa), **Dokument 5/2**

**KOVERTA** (bijela, neprozirna i zatvorena, formata A4) sa naznakom “**KONKURSNI RAD**” na sredini, te u gornjem desnom uglu identifikacijska šifra, u kojoj je sadržan konkursni rad sa svim zahtjevanim priložima iz ovog konkursa. Svaki prilog na poledini mora sadržavati naznačenu šifru.

Svako drugo označavanje konkursnog rada, a koje bi moglo ugroziti anonimnost autora povlači isključivanje konkursnog rada iz postupka ocjenjivanja. Odluku o tome donosi konkursna Komisija.

Ovako upakovani radovi dostavljaju se lično ili putem pošte na adresu ugovornog organa kako je navedeno u tački 3. ove konkursne dokumentacije.

## 7.2. Očuvanje anonimnosti

Idejna rješenja – konkursni radovi, sačinjeni na osnovu uslova iz konkursne dokumentacije, sadrže priloge navedene u konkursnoj dokumentaciji, s numerisanim stranicama (u donjem desnom uglu), a radi potpune anonimnosti ne smiju biti obilježeni nikakvim drugim oznakama. Svako drugo označavanje konkursnog rada, a koje bi moglo ugroziti anonimnost autora povlači isključivanje konkursnog rada iz postupka ocjenjivanja. Odluku o tome donosi konkursna Komisija.

Učesnici u konkursu prihvataju uslove konkursa činom predaje konkursnog rada.

Nakon izvršene ocjene pristiglih "Konkursnih radova" od strane Konkursne komisije, obaviti će se javno otvaranje koverta "Autor" (u kojoj se nalaze zahtijevani kvalifikacioni i identifikacioni dokumenti kandidata/ponuđača). O javnom otvaranju će biti sačinjen zapisnik Komisije za javne nabavke. Nepotpuna dokumentacija (ponude) će biti od uticaja na eliminaciju kandidata čiji su konkursni radovi/ idejna rješenja predložena od strane Konkursne komisije, za nagradu.

## 8. SADRŽAJ I OPREMA KONKURSNOG RADA

8.1. Kandidati prema priloženom Projektom zadatku i uslovima Konkursa izrađuju Idejno rješenje koje sadrži tekstualne i grafičke priloge kako slijedi:

- Tekstualno obrazloženje sa precizno definiranim glavnim aspektima konceptualnog rješenja, razvojem ideje, objašnjenjem vizualnog i interaktivnog karaktera prostora (minimalno 2 strane) sa aproksimativnim predračunom planiranih radova. Tekstualni dio mora biti uvezan u formatu A4 u 2 primjerka. Uz tekstualni dio treba priložiti umanjene grafičke priloge i popis svih priloga konkursnog rada.
- Grafički prilozi su u adekvatnoj razmjeri, uvezani i formatirani na A4, koji su potrebni za razumijevanje rada. Prezentacija idejnog rješenja, uključujući idejno umjetničko i urbanističko-arhitektonsko rješenje: situacioni prikaz parcele sa okruženjem (postojeće i planirano), urbanističko rješenje sa parternim i hortikulturnim uređenjem, karakteristični pogledi, idejno rješenje fontane, situaciju sa rasporedom i prijedlogom tipa mobilijara, te detalji i ostali prilozi po izboru autora (skice, 3D vizualizacija).
- Grafički prilozi (PDF format) i tekst (PDF format) se predaju i na CD-u ili DVD-u.

## 9. ZAVRŠNE ODREDBE

Predajom rada autor pristaje na uslove konkursa, na javno izlaganje i publiciranje rada od strane naručioca. Učesnik je za sve vrijeme trajanja konkursa dužan držati svoj rad anonimnim do objave rezultata konkursa. Grafičku dokumentaciju priloženu u podlogama konkursa, kandidati smiju koristiti isključivo u svrhu izrade konkursnog rada.

Iz ovog natječaja isključiti će se radovi:

1. koji su predati poslije navedenog roka utvrđenog u konkursnom dokumentu,
2. koji ne sadrže dokumentaciju propisanu u tački 7.1. konkursne dokumentacije, kao i podloge navedene u poglavlju o sadržaju konkursnog rada.

Ugovorni organ (Općina Novo Sarajevo) može, po završetku konkursa, konkursne radove prezentirati putem:

1. objave rezultata
2. javne izložbe
3. na web stranici Općine Novo Sarajevo ([www.novosarajevo.ba](http://www.novosarajevo.ba))

Ugovorni organ (Općina Novo Sarajevo) ne odgovara za oštećenja konkursnih radova nastala radom Konkursne komisije, te eventualna oštećenja nastala prilikom postavljanja izložbe konkursnih radova.

Ovaj konkurs raspisan je u skladu sa Zakonom o javnim nabavkama Bosne i Hercegovine.

Nagrađeni radovi su sa stanovišta autorskih imovinskih prava vlasništvo Ugovornog organa (Općina Novo Sarajevo).

Svi sporovi koji mogu nastati iz ovog konkursa prvenstveno će se rješavati dogovorom ili medijacijom, a u slučaju da se ne riješe, nadležan je sud u Sarajevu.



## 10. POUKA O PRAVNOM LJJEKU

Svaki ponuđač koji ima opravdan interes za ugovor o javnoj nabavci i smatra da je ugovorni organ u toku postupka javne nabavke izvršio povredu Zakona i/ili podzakonskih akata, ima pravo da uloži žalbu na postupak u roku koji je određen u članu 101. Zakona.

Žalba se izjavljuje ugovornom organu u najmanje tri primjerka, u pisanoj formi direktno ili preporučenom poštanskom pošiljkom, u rokovima propisanim članom 101. Zakona.

O žalbi koja je poslana preporučenom poštanskom pošiljkom, nužno je ugovornom organu istu dostaviti na e-mail: [salihovicj@novosarajevo.ba](mailto:salihovicj@novosarajevo.ba), kako bi ugovorni organ imao saznanje o izjavljenoj žalbi, te će se danom prijema e-maila utvrđivati blagovremenost žalbe.

Ugovorni organ je dužan u roku od 5 (pet) dana od zaprimanja žalbe donijeti odgovarajuću odluku po žalbi u skladu sa članom 100. Zakona.

Ako ugovorni organ odbaci žalbu zaključkom zbog procesnih nedostataka (žalba neblagovremena, nedopuštena ili izjavljena od neovlaštenog lica) ponuđač može izjaviti žalbu KRŽ-u u roku od 10 dana, od dana prijema zaključka.

Ako ugovorni organ usvoji žalbu djelimično ili u cjelosti, te svoje rješenje ili odluku zamjeni drugim rješenjem ili odlukom ili poništi postupak nabavke, ponuđač može izjaviti žalbu KRŽ-u u roku od 10 (deset) dana, od dana prijema rješenja, posredstvom ugovornog organa.

Ako ugovorni organ utvrdi da je žalba neosnovana, dužan je u roku od 5 (pet) dana, od datuma njenog zaprimanja proslijediti žalbu KRŽ-u, sa svojim izjašnjenjem na navode žalbe, kao i kompletnom dokumentacijom vezano za postupak protiv kojeg je izjavljena žalba.

## 11. PRILOZI

1. Prijava na konkurs za Idejno rješenje za izgradnju Parka Nacionalnih manjina,
2. Izjava ovlaštene osobe da ima u radnom odnosu ili će angažovati dipl.ing.arh-Dokument 1/2-za pravna lica
3. Izjava da se na kandidata/kandidate ne odnose slučajevi definisani članom 45. stav (1) od a) do d) Zakona- Dokument 2/1-za fizička lica i Dokument 2/2-za pravna lica
4. Izjava da se na kandidata/kandidate ne odnose slučajevi definisani članom 52. Zakona- Dokument 3/1-za fizička lica i Dokument 3/2-za pravna lica
5. Izjava o izvornosti autorskog djela-Dokument 4/1 –za fizička lica i Dokument 4/2-za pravna lica
6. Izjava o prenosu autorskih prava-Dokument 5/1 –za fizička lica i Dokument 5/2-za pravna lica
7. Projektni zadatak sa grafičkim priložima:
  - Izvod iz RP „Centar Novo Sarajevo“ - u .jpg formatu
  - Kopija katastrskog plana - u .jpg formatu
  - Katastar podzemnih instalacija - u .jpg formatu
  - Ažurna geodetska situacija - u .jpg formatu

## PRIJAVA NA KONKURS

### Izrada idejnog rješenja za izgradnju Parka Nacionalnih manjina

#### *FIZIČKO LICE:*

Ime i prezime autora: \_\_\_\_\_

Mjesto i godina rođenja: \_\_\_\_\_

Adresa: \_\_\_\_\_ telefon: \_\_\_\_\_

Broj žiro računa: \_\_\_\_\_

e-mail: \_\_\_\_\_ mobitel: \_\_\_\_\_

Ime i prezime saradnika:

\_\_\_\_\_  
\_\_\_\_\_

#### *PRAVNO LICE:*

Naziv pravnog lica: \_\_\_\_\_

Adresa: \_\_\_\_\_

IDB/JIB: \_\_\_\_\_

Broj žiro računa: \_\_\_\_\_

Adresa za dostavu pošte: \_\_\_\_\_

Kontakt osoba: \_\_\_\_\_

Kontakt telefon: \_\_\_\_\_

e-mail: \_\_\_\_\_

Datum prijave:

\_\_\_\_\_

Potpis autora:

\_\_\_\_\_

**Izjava o angažovanosti diplomiranog inženjera arhitekture**

Ja, niže potpisani \_\_\_\_\_, sa ličnom kartom broj: \_\_\_\_\_  
(Ime i prezime)

izdatom od \_\_\_\_\_, u svojstvu predstavnika privrednog društva ili obrta ili  
srodne djelatnosti \_\_\_\_\_ ID broj: \_\_\_\_\_,  
(Navedi položaj, naziv privrednog društva ili obrta ili srodne djelatnosti),

čije sjedište se nalazi u \_\_\_\_\_ na adresi \_\_\_\_\_,  
(Grad/Općina) (Ulica i broj)

kao kandidat/ponuđač u postupku javne nabave kao autor u postupku javne nabave Konkurs za izradu idejnog  
rješenja za izgradnju Parka Nacionalnih manjina a kojeg provodi ugovorni organ Općina Novo Sarajevo,  
**pod punom materijalnom i kaznenom odgovornošću**

**IZJAVLJUJEM**

Da u radnom odnosu imam ili ću angažovati diplomiranog inženjera arhitekture.

**Napomena:**

**Kandidat je dužan uz Izjavu dostaviti kopiju diplome arhitektonskog fakulteta ili nostrifikaciju diplome ako je ista stečene u inostranstvu, za diplomiranog inženjera arhitekture.**

Potpis i pečat kandidata

---

Izjava o ispunjenosti uvjeta iz članka 45. stavak (1) točka a) Zakona o javnim nabavama BiH („Službeni glasnik BiH“ broj: 39/14)

Ja, niže potpisani \_\_\_\_\_, sa osobnom iskaznicom broj: \_\_\_\_\_  
(Ime i prezime)

izdatom od \_\_\_\_\_, nastanjen u \_\_\_\_\_ na adresi \_\_\_\_\_,  
(Grad/općina) (Ulica i broj)

kao kandidat/ponuditelj u postupku javne nabave “Konkurs za izradu idejnog rješenja za izgradnju Parka Nacionalnih manjina”, a kojeg provodi ugovorno tijelo Općina Novo Sarajevo, a u skladu sa člankom 45. stavak (1) i (4)

**pod punom materijalnom i kaznenom odgovornošću**

### IZJAVLJUJEM

I. Kandidat/ponuđač \_\_\_\_\_ u navedenom postupku javne nabave, kojeg predstavljam, nije:

a) Pravomoćnom sudskom presudom u kaznenom postupku osuđen za kaznena djela organiziranog kriminala, korupcije, prijevare ili pranja novca sukladno odnosnim propisima u BiH ili zemlji registracije,

Nadalje izjavljujem da sam svjestan da krivotvorenje službene isprave, odnosno uporaba neistinite službene ili poslovne isprave, knjige ili spisa u službi ili poslovanju kao da su istiniti predstavlja kazneno djelo predviđeno Kaznenim zakonima u BiH, te da davanje netočnih podataka u dokumentima kojima se dokazuje osobna sposobnost iz članka 45. Zakona o javnim nabavama predstavlja prekršaj za koji su predviđene novčane kazne od 1.000,00 KM do 10.000,00 KM za ponuditelja (pravna osoba) i od 200,00 KM do 2.000,00 KM za odgovornu osobu ponuditelja. Također izjavljujem da sam svjestan da ugovorno tijelo koje provodi navedeni postupak javne nabave sukladno članku 45. stavak (6) Zakona o javnim nabavama BiH u slučaju sumnje u točnost podataka datih putem ove izjave zadržava pravo provjere točnosti iznesenih informacija kod nadležnih tijela.

Izjavu dao:

\_\_\_\_\_  
(Ime i prezime)

Mjesto i datum davanja izjave:

\_\_\_\_\_

Potpis i pečat nadležnog tijela:

\_\_\_\_\_

Izjava o ispunjenosti uvjeta iz članka 45. stavak (1) točaka od a) do d) Zakona o javnim nabavama BiH („Službeni glasnik BiH“ broj: 39/14)

Ja, niže potpisani \_\_\_\_\_, sa osobnom iskaznicom broj: \_\_\_\_\_

(Ime i prezime)

izdatom od \_\_\_\_\_, u svojstvu predstavnika gospodarskog društva ili obrta ili srodne djelatnosti

ID broj: \_\_\_\_\_

(Naziv gospodarskog društva ili obrta ili srodne djelatnosti),

čije sjedište se nalazi u \_\_\_\_\_ na adresi \_\_\_\_\_,

(Grad/općina)

(Ulica i broj)

kao kandidat/ponuditelj u postupku javne nabave “Konkurs za izradu idejnog rješenja za izgradnju Parka Nacionalnih manjina” a kojeg provodi ugovorno tijelo Općina Novo Sarajevo, a u skladu sa člankom 45. stavcima (1) i (4)

pod punom materijalnom i kaznenom odgovornošću

### IZJAVLJUJEM

i. Kandidat/ponudač \_\_\_\_\_ u navedenom postupku javne nabave, kojeg predstavljam, nije:

- a) Pravomoćnom sudskom presudom u kaznenom postupku osuđen za kaznena djela organiziranog kriminala, korupcije, prijevare ili pranja novca sukladno odnosnim propisima u BiH ili zemlji registracije,
- b) Pod stečajem ili je predmetom stečajnog postupka ili je pak predmetom likvidacijskog postupka,
- c) Propustio ispuniti obveze u svezi s plaćanjem mirovinskog i invalidskog osiguranja sukladno odnosnim propisima u BiH ili zemlji registracije,
- d) Propustio ispuniti obveze u svezi s plaćanjem izravnih i neizravnih poreza sukladno odnosnim propisima u BiH ili zemlji registracije.

U navedenom smislu sam upoznat sa obvezom kandidata/ponuditelja da u slučaju dodjele ugovora dostavi dokumente iz članka 45. stavak (2) točke od a) do d) na zahtjev ugovornog tijela i u roku kojeg odredi ugovorno tijelo sukladno članku 72. stavak (3) točka a).

Nadalje izjavljujem da sam svjestan da krivotvorenje službene isprave, odnosno uporaba neistinite službene ili poslovne isprave, knjige ili spisa u službi ili poslovanju kao da su istiniti predstavlja kazneno djelo predviđeno Kaznenim zakonima u BiH, te da davanje netočnih podataka u dokumentima kojima se dokazuje osobna sposobnost iz članka 45. Zakona o javnim nabavama predstavlja prekršaj za koji su predviđene novčane kazne od 1.000,00 KM do 10.000,00 KM za ponuditelja (pravna osoba) i od 200,00 KM do 2.000,00 KM za odgovornu osobu ponuditelja. Također izjavljujem da sam svjestan da ugovorno tijelo koje provodi navedeni postupak javne nabave sukladno članku 45. stavak (6) Zakona o javnim nabavama BiH u slučaju sumnje u točnost podataka datih putem ove izjave zadržava pravo provjere točnosti iznesenih informacija kod nadležnih tijela.

izjavu dao:

\_\_\_\_\_  
(Ime i prezime)

Mjesto i datum davanja izjave:

\_\_\_\_\_  
Potpis i pečat nadležnog tijela:

**PISMENA IZJAVA  
IZ ČLANA 52 ZAKONA O JAVNIM NABAVKAMA**

Ja, niže potpisani \_\_\_\_\_ (Ime i prezime), sa ličnom kartom broj: \_\_\_\_\_  
izdatom od \_\_\_\_\_, iz \_\_\_\_\_ (Grad/općina), sa adresom stanovanja  
\_\_\_\_\_ (Ulica i broj), kao kandidat/ponuđač u postupku javne nabavke "Konkurs za  
izradu idejnog rješenja za izgradnju Parka Nacionalnih manjina", a kojeg provodi ugovorni organ Općina  
Novo Sarajevo, a u skladu sa članom 52. stav (2) Zakona o javnim nabavkama

**pod punom materijalnom i kaznenom odgovornošću**

**IZJAVLJUJEM**

1. Nisam ponudio mito ni jednom licu uključenom u proces javne nabavke, u bilo kojoj fazi procesa javne nabavke.
2. Nisam dao, niti obećao dar, ili neku drugu povlasticu službenom ili odgovornom licu u ugovornom organu, uključujući i strano službeno lice ili međunarodnog službenika, u cilju obavljanja u okviru službene ovlasti, radnje koje ne bi trebalo da izvrši, ili se suzdržava od vršenja djela koje treba izvršiti on, ili neko ko posreduje pri takvom podmićivanju službenog ili odgovorna lica.
3. Nisam dao ili obećao dar ili neku drugu povlasticu službenom ili odgovornom licu u ugovornom organu uključujući i strano službeno lice ili međunarodnog službenika, u cilju da obavi u okviru svoje službene ovlasti, radnje koje bi trebalo da obavlja, ili se suzdržava od obavljanja radnji, koje ne treba izvršiti.
4. Nisam bio uključen u bilo kakve aktivnosti koje za cilj imaju korupciju u javnim nabavkama.
5. Nisam sudjelovao u bilo kakvoj radnji koja je za cilj imala korupciju u toku predmeta postupka javne nabavke.

Davanjem ovu izjave, svjestan sam kaznene odgovornosti predviđene za kaznena djela primanja i davanja mita i kaznena djela protiv službene i druge odgovornosti i dužnosti utvrđene u Kaznenim zakonima Bosne i Hercegovine.

Izjavu dao:

\_\_\_\_\_

Mjesto i datum davanja izjave:

\_\_\_\_\_

Potpis i pečat nadležnog organa:

\_\_\_\_\_

**PISMENA IZJAVA  
IZ ČLANA 52 ZAKONA O JAVNIM NABAVKAMA**

Ja, niže potpisani \_\_\_\_\_ (Ime i prezime), sa ličnom kartom broj: \_\_\_\_\_ izdatom od \_\_\_\_\_, u svojstvu predstavnika privrednog društva ili obrta ili srodne djelatnosti \_\_\_\_\_ (Navesti položaj, naziv privrednog društva ili obrta ili srodne djelatnosti), ID broj: \_\_\_\_\_, čije sjedište se nalazi u \_\_\_\_\_ (Grad/općina), na adresi \_\_\_\_\_ (Ulica i broj), kao kandidat/ponuđač u postupku javne nabavke "Konkurs za izradu idejnog rješenja za izgradnju Parka Nacionalnih manjina", a kojeg provodi ugovorni organ Općina Novo Sarajevo, a u skladu sa članom 52. stav (2) Zakona o javnim nabavkama

**pod punom materijalnom i kaznenom odgovornošću**

**IZJAVLJUJEM**

1. Nisam ponudio mito ni jednom licu uključenom u proces javne nabavke, u bilo kojoj fazi procesa javne nabavke.
2. Nisam dao, niti obećao dar, ili neku drugu povlasticu službenom ili odgovornom licu u ugovornom organu, uključujući i strano službeno lice ili međunarodnog službenika, u cilju obavljanja u okviru službene ovlasti, radnje koje ne bi trebalo da izvrši, ili se suzdržava od vršenja djela koje treba izvršiti on, ili neko ko posreduje pri takvom podmićivanju službenog ili odgovorna lica.
3. Nisam dao ili obećao dar ili neku drugu povlasticu službenom ili odgovornom licu u ugovornom organu uključujući i strano službeno lice ili međunarodnog službenika, u cilju da obavi u okviru svoje službene ovlasti, radnje koje bi trebalo da obavlja, ili se suzdržava od obavljanja radnji, koje ne treba izvršiti.
4. Nisam bio uključen u bilo kakve aktivnosti koje za cilj imaju korupciju u javnim nabavkama.
5. Nisam sudjelovao u bilo kakvoj radnji koja je za cilj imala korupciju u toku predmeta postupka javne nabavke.

Davanjem ovu izjave, svjestan sam kaznene odgovornosti predviđene za kaznena djela primanja i davanja mita i kaznena djela protiv službene i druge odgovornosti i dužnosti utvrđene u Kaznenim zakonima Bosne i Hercegovine.

Izjavu dao:

\_\_\_\_\_

Mjesto i datum davanja izjave:

\_\_\_\_\_

Potpis i pečat nadležnog organa:

\_\_\_\_\_

**Izjava o izvornosti autorskog djela**

Ja, niže potpisani \_\_\_\_\_, sa ličnom kartom broj: \_\_\_\_\_  
(Ime i prezime)

izdatom od \_\_\_\_\_,  
kao autor u postupku javne nabave Konkursa za izradu idejnog rješenja za izgradnju Parka Nacionalnih manjina a kojeg provodi ugovorni organ Općina Novo Sarajevo,  
pod punom materijalnom i kaznenom odgovornošću

**IZJAVLJUJEM**

Da je priloženi rad izvorno autorsko djelo.

Potpis autora/Potpis nosioca tima

\_\_\_\_\_



## Izjava o izvornosti autorskog djela

Ja, niže potpisani \_\_\_\_\_, sa ličnom kartom broj: \_\_\_\_\_  
(Ime i prezime)  
izdatom od \_\_\_\_\_, u svojstvu predstavnika privrednog društva ili obrta ili  
srodne djelatnosti \_\_\_\_\_ ID broj: \_\_\_\_\_,  
(Navesti položaj, naziv privrednog društva ili obrta ili srodne djelatnosti),  
čije sjedište se nalazi u \_\_\_\_\_ na adresi \_\_\_\_\_,  
(Grad/Općina) (Ulica i broj)  
kao kandidat/ponuđač u postupku javne nabave kao autor u postupku javne nabave Konkursa za izradu idejnog  
rješenja za izgradnju Parka Nacionalnih manjina a kojeg provodi ugovorni organ Općina Novo Sarajevo,  
pod punom materijalnom i kaznenom odgovornošću

## IZJAVLJUJEM

Da je priloženi rad izvorno autorsko djelo.

Potpis i pečat kandidata

---

### Izjava o prenosu autorskih prava

Ja, niže potpisani \_\_\_\_\_, sa ličnom kartom broj: \_\_\_\_\_  
(Ime i prezime)

izdatom od \_\_\_\_\_,  
kao autor u postupku javne nabave Konkursa za izradu idejnog rješenja za izgradnju Parka Nacionalnih manjina a  
kojeg provodi ugovorni organ Općina Novo Sarajevo,  
pod **punom materijalnom i kaznenom odgovornošću**

### IZJAVLJUJEM

Da autorska prava i prava korištenja i javnog objavljivanja predloženog idejnog rješenja prenosim na Općinu Novo Sarajevo ukoliko budem među nagrađenim autorima.

Potpis autora/Potpis nosioca tima

\_\_\_\_\_

**Izjava o prenosu autorskih prava**

Ja, niže potpisani \_\_\_\_\_, sa ličnom kartom broj: \_\_\_\_\_  
(Ime i prezime)  
izdatom od \_\_\_\_\_, u svojstvu predstavnika privrednog društva ili obrta ili  
srodne djelatnosti \_\_\_\_\_ ID broj: \_\_\_\_\_,  
(Navesti položaj, naziv privrednog društva ili obrta ili srodne djelatnosti),  
čije sjedište se nalazi u \_\_\_\_\_ na adresi \_\_\_\_\_,  
(Grad/Općina) (Ulica i broj)

kao kandidat/ponuđač u postupku javne nabave kao autor u postupku javne nabave KONKURSA ZA IZRADU  
IDEJNOG RJEŠENJA za izgradnju Parka Nacionalnih manjina a kojeg provodi ugovorni organ Općina Novo  
Sarajevo,

pod punom materijalnom i kaznenom odgovornošću

**IZJAVLJUJEM**

Da autorska prava i prava korištenja i javnog objavljivanja predloženog idejnog rješenja prenosim na Općinu Novo  
Sarajevo ukoliko budem među nagrađenim autorima.

Potpis i pečat kandidata

---

## PROJEKTNI ZADATAK ZA IZRADU IDEJNOG RJEŠENJA:

### 1. UVOD

Općina Novo Sarajevo kontinuirano radi na unaprijeđenju i održavanju parkova.

Park nacionalnih manjina, 2007.godine bio je uređen kao urbani park sa fontanom, finansiran od Gradske uprave Grada Sarajeva. Nedugo nakon izgradnje, fontana je devastirana, što uticajem vandalizma, što vremenskim uticajem i neadekvatnom materijalizacijom u izvedbi iste, kao i neodržavanjem. Godine 2016. Općina Novo Sarajevo je na inicijativu građana, a uz saglasnost investitora, Gradske uprave, uklonila fontanu.

Obzirom na značaj ovog parka, njegovu lokaciju i veličinu, Općina Novo Sarajevo pokreće proceduru Konkursa za izradu idejnog rješenja Parka nacionalnih manjina u Ul.Zmaja od Bosne.

Prema Elaboratu: Izmjene i dopune Regulacionog plana „Centar Novo Sarajevo“ predmetni lokalitet je definisan kao „uređene pješačke i zelene površine (trg, skver, voda, skulptura, urbani mobilijar,...)“.

Kako bi se dobilo što kvalitetnije rješenje za uređenje ovog parka, izrađuje se ovaj projektni zadatak kao podloga za provedbu Konkursa za izradu idejnog rješenja parka.

### 2. LOKACIJA

Planirani urbani park, kako je prethodno navedeno, nalazi se u Ulici Zmaja od Bosne, MZ Željeznička, Općina Novo Sarajevo.

#### POSTOJEĆE STANJE

Na lokaciji se nalaze stambeno-poslovni i poslovni objekti, koji omeđuju park sa tri strane.

Na jugo-istočnoj strani se nalazi pješačka šetnica sa zelenim pojasom prema glavnoj gradskoj saobraćajnici.

Teren je u blagom padu prema šetnici i saobraćajnici.

Predmetna lokacija obuhvata:


Park je površine cca 3.300 m<sup>2</sup> i nalazi se na dijelu k.č. 4223/1 i 4223/12 (fontana)

Predmetni obuhvat se prema važećoj prostorno planskoj dokumentaciji nalazi u poslovnoj zoni i pripada uređenim pješačkim i zelenim površinama.

### 3. PROSTORNO PLANSKA DOKUMENTACIJA

Područje obuhvata se nalazi u okviru Regulacioni plan „Centar Novo Sarajevo“ (službene novine Kantona Sarajevo br.17/11-Prečišćeni tekst). Za isti je izrađen i Elaborat: Izmjene i dopune Regulacionog plana „Centar Novo Sarajevo“. Međutim, za navedeni prostorni obuhvat je donesena Odluka o pristupanju izradi RP „Centar Novo Sarajevo“ (službene novine Kantona Sarajevo br.41/15) čijim je članom 11. Odluke uveden režim zabrane građenja i propisana obaveza pribavljanja stručnog mišljenja Zavoda za planiranje razvoja Kantona Sarajevo, te će Općina Novo Sarajevo nakon izrade idejnog projekta zatražiti mišljenje Zavoda.

Park se nalazi u poslovnoj zoni i pripada uređenim pješačkim i zelenim površinama.



#### 4.OPIS ZADATKA

Na predmetnoj lokaciji parka traži se izrada idejnog rješenja urbanog parka.

Obzirom da unutar postojećeg parka postoji visoko rastinje njemu treba posvetiti veliku pažnju, te ista zadržati u najvećoj mogućoj mjeri i oplemeniti, kao i zelenu površinu kako bi se stvario što ugodniji ambijent. Posebnu pažnju posvetiti stablima Pančićeve omorike koja su zasađena 2009.godine i simbolično predstavljaju pet manjinskih udruženja koja su pokrenula i učestvovala u realizaciji ovog projekta.

Biološka komponenta u predloženom rješenju, treba da bude takva, da odabrane vrste niskog, srednjeg i visokog rastinja, stvaraju ugodan ambijent kroz sva godišnja doba.

Park opremiti modernim urbanim mobilijarom (klupe, kante, javna rasvjeta), od visoko-kvalitetnih materijala koji su adekvatni klimatskim uslovima.

Obzirom da su dovedene instalacije vode i odvodnje za prethodnu fontanu, predvidjeti na istom mjestu izgradnju nove fontane, koja će se svojim dizajnom, veličinom i materijalizacijom uklopiti u ambijent, te omogućiti trajnost i ekonomičnost održavanja. Uz fontanu predvidjeti i izvod pitke vode.

Kroz park predvidjeti logične pješačke komunikacije sa visoko-kvalitetnim popločanjem. Park ne smije imati arhitektonskih barijera koje licima sa tjelesnim oštećenjem i funkcionalnim smetnjama onemogućavaju kretanje, prilaz i korištenje parkovskih površina.

Voditi računa o prirodnom i vještačkom osvjetljenju, kao i stvoriti uslove prirodne hladovine, kako bi se park mogao koristiti i u toku sunčanih ljetnih dana.

Prema Informaciji Zavoda za planiranje razvoja Kantona Sarajevo, „pejsažno-oblikovno-prostorna kompozicija treba da polazi od sljedećeg:

- Koncept budućeg uređenja treba da se odlikuje jednostavnim ali atraktivnim rješenjem koje će biti jedinstveno i prepoznatljivo u ovom dijelu grada ali i šire, uz korištenje visoko dekorativnih elemenata biološke komponente i urbanog mobilijara.
- Ne smije se dozvoliti mješanje različitih stilova, obilje biljnih vrsta, oblika, boja, sadržaja i dr.
- Prema Ulici Zmaja od Bosne planirati visoko i srednje rastinje (eventualno zid-kao fizičku barijeru) zbog buke od automobila.
- Biološka komponenta treba da dominira sa minimalnom zastupljenošću od 75% od ukupne površine, a 25% treba koristiti za lociranje arhitektonsko-građevinskih elemenata u sklopu kojeg treba biti i manji trg.
- Koristiti sve tri vegetacione etaže visoko, srednje i nisko rastinje ravnomjerno raspoređeno u cijelom obuhvatu.
- Pješačke staze minimalne širine 2m, te voditi računa o pješačkoj komunikaciji kroz park, kao i pješačku povezanost sa okolnim područjima.
- Staze i svi pristupi moraju biti prilagođeni kretanju osoba sa umanjanim tjelesnim sposobnostima.“

*ZADATAK -da se arhitektonskom koncepcijom ponudi savremeno urbanističko-arhitektonsko rješenje, koje će se temeljiti na analizi potreba svih grupa korpisnika, te biti prostorno i funkcionalno racionalno i provodivo -materijali i oblikovanje trebaju biti osmišljeni na način da se omogući trajnost i ekonomičnost održavanja.*

*Osnovna tema parka nisu nacionalne manjine, ali se kroz određenu simboliku, koja je ostavljena na umjetnički izražaj svakom učesniku, može dati detalj koji je vezan za sam naziv parka „Park nacionalnih manjina“, s tim da taj detalj ne smije dominirati niti biti fokus parka.*

Dakle, rješenje mora zadovoljiti visoke kriterije prostornog planiranja i pejzažne arhitekture, te se od učesnika Konkursa se očekuje da ponuda bude originalna, racionalna i ekonomski opravdana rješenja, estetski primjerena lokaciji i namjeni.

#### 5.OBIM ZADATKA, ZAKONSKA REGULATIVA I SADRŽAJ KONKURSNOG RADA

Konkurs ima za cilj ponuditi nabolje urbanističko-arhitektonsko rješenje urbanog parka na osnovu kojeg će se izdati Urbanistička saglasnost, a koje će poslužiti kao osnova za izradu dokumentacije za izgradnju, a sve u skladu sa Zakonom o prostornom uređenju („Službene novine Kantona Sarajevo“, broj 24/17).

Planirana finansijska sredstva za realizaciju – izgradnju ovog parka su 100.000,00 KM.

Sadržaj konkursnog rada:

- Tekstualno obrazloženje sa precizno definiranim glavnim aspektima konceptualnog rješenja, razvojem ideje,

objašnjenjem vizualnog i interaktivnog karaktera prostora (minimalno 2 strane) sa aproksimativnim predračunom planiranih radova. U tekstualnom dijelu također, trebaju biti date vrste niskog, srednjeg i visokog rastinja, uz obrazloženje izbora istog. Tekstualni dio mora biti uvezan u formatu A4 u 2 primjerka. Uz tekstualni dio treba priložiti umanjene grafičke priloge i popis svih priloga konkursnog rada.

- Grafički prilozi su u adekvatnoj razmjeri, uvezani i formatirani na A4, koji su potrebni za razumijevanje rada. Prezentacija idejnog rješenja, uključujući idejno umjetničko i urbanističko-arhitektonsko rješenje: situacioni prikaz parcele sa okruženjem (postojeće i planirano), urbanističko rješenje sa partemim i hortikulturnim uređenjem, karakteristični pogledi, idejno rješenje fontane, situaciju sa rasporedom i prijedlogom tipa mobilijara, te detalji i ostali prilozi po izboru autora (skice, 3D vizualizacija).
- Grafički prilozi (PDF format) i tekst (PDF format) se predaju i na CD-u ili DVD-u.

## 6. DOKUMENTACIJA

Investitor je obezbijedio svim učesnicima:

- Izvod iz RP „Centar Novo Sarajevo“ - u .jpg formatu
- Kopija katastraskog plana - u .jpg formatu
- Katastar podzemnih instalacija - u .jpg formatu
- Ažurna geodetska situacija - u .jpg formatu

(Sva gore navedena dokumentacija je sastavni dio konkursa)